

930

Bosna i Hercegovina  
Federacija Bosne i Hercegovine  
**KANTON SARAJEVO**  
Pravobranilaštvo Kantona Sarajevo




Bosnia and Herzegovina  
Federation of Bosnia and Herzegovina  
**CANTON SARAJEVO**  
Public Defender's Office of Sarajevo Canton

Broj: Pk-75/20  
Sarajevo, 16.03.20.god.

Bosna i Hercegovina  
Federacija Bosne i Hercegovine  
KANTON SARAJEVO  
SKUPŠTINA KANTONA

Veza Vaš akt broj 01-04-5444-13/20 od 27.02.2020.godine,

Predmet: Dostava dodatnih informacija u vezi odgovora na zastupničko pitanje, dostavlja se



Poštovani,

Dana, 12.03.2020.godine zaprimili ste od strane ovog Pravobranilaštva odgovor na zastupničko pitanje u vezi izvršenja odnosno neizvršenja Odluke Ustavnog suda Bosne i Hercegovine u pogledu isplata zaostalih plaća oštećenih zaposlenika pravnog lica "Sarabon" d.d. Sarajevo.

Pravobranilaštvo u cijelosti ostaje pri dostavljenom aktu broj Pk-75/20 od 11.03.2020.godine te isti dopunjuje informacijama za koje se saznalo u međuvremenu.

Naime, nakon donošenja odluke Ustavnog suda BiH Kantonalni sud u Sarajevu je potvrdio optužnicu broj 09 0 K 011588 20 K protiv optuženih Čomor Vahidina i dr.zbog krivičnog djela iz člana 358., stav 3 i dr.KZ FBiH.

U navednom krivičnom predmetu predstavnici Pravobranilaštva pozvani su kao svjedoci a radi postavljanja imovinsko-pravnog zahtjeva u korist Kantona Sarajevo. U unakrsnom ispitivanju od strane branioca optuženih predstavnici Pravobranilaštva došao je do saznanja da Ugovor o kupoprodaji državnog kapitala preduzeća "ZORA" d.d. sa p.o. Sarajevo ( privatizacija "Sarabon " d.d. u procentu od 45,90 % u korist Čomor Vahidina) nikada nije poništena.

Daljim aktivnostima ovo Pravobranilaštvo došlo je do informacija od strane Kantonalne agencije za privatizaciju da je Presudom Kantonalnog suda u Sarajevu broj 09 0 U 000090 06 U od 09.12.2010.godine tužba Čomor Vahidina uvažena te da su poništena Rješenja Kantonalne agencije za privatizaciju i Ministarstva privrede o jednostranom raskidu Ugovora o privatizaciji. **Dakle, na pravnoj snazi je Rješenje Kantonalne agencije za privatizaciju kojim je odobren upis u sudski registra izvršene privatizacije 45,90 % državnog kapitala nekadašnje firme "ZORA" d.d. Sarajevo. Istim Rješenjem je konstatovano u tački 3., b). da je dionički kapital koji čini 54,10 % osnovnog kapitala prethodno privatizovan. Dakle, kapital preduzeća Sarabon d.d je u cijelosti privatizovan 100%.**

Imajući u vidu informacije do kojih je ovo Pravobranilaštvo došlo 13.03.2020.godine dakle nakon upućenog dopisa-odgovora na zastupničko pitanje gosp.Vrete a iz kojih jasno proizilazi da preduzeće "Sarabon" d.d. je preduzeće čiji kapital je privatizovan u procentu 100% , to je jasno da nije u pitanju preduzeće čiji je Osnivač Kanton Sarajevo što je argument više zašto nije postojala obaveza za postupanje Vlade Kantona prema Odluci Ustavnog suda BiH broj AP 5375/17 mimo postupanja u skladu sa stavom 1.izreke u kojoj je naloženo Vladi Kantona da isplati na ime naknade nematerijalne štete apelantima iznose od po 1.000,00 KM, što je i učinjeno.



Pravobranilaštvo upućuje i na Mišljenje dostavljeno u prilogu prethodnog akta, Mišljenje broj 137/2019 od 23.08.2019.godine iz kojeg se može zaključiti da se odluka Ustavnog suda ne odnosi na apelante kao bivše zaposlenike "Sarabon" d.d. jer oni nisu imaooci izvršnih presuda na teret budžetskih sredstava.

Imajući u vidu sve naprijed navedeno jasno je da predmetna Odluka Ustavnog suda BiH ne predstavlja osnov za isplatu potraživanja radnika nekadašnjeg "Sarabon" d.d. iz budžetskih sredstava Kantona Sarajevo.

Ukoliko imate dodatnih pitanja stojimo Vam na raspolaganju.

S poštovanjem,

